

[MAORI REPRESENTATION ACT AMENDMENT.] Te Ture Whakatikatika i nga Ture whakatu tangata Maori mo roto i te Paremete.

Whakawhaititanga.

- Whaingoatanga.
- Matua korero.
- Ingoa poto.
- Me whakatu ano tetahi mema Maori.
- Ko te Takiwa Pooti o te Hauauru, me te Takiwa Pooti o te Rawhiti, ka wehewehea kia toru nga takiwa.
- Kia kotahi Mema mo ia Takiwa.
- Ka tu tonu nga Mema o naianei.
- Ka whakaputaina he pukapuka whakatu i tetahi Mema mo te Takiwa hou.
- Ko etahi o nga tekiana o te Ture o 1867 ka whai mana ki nga Takiwa hou.

He Pire I Huaina.

HE TURE e whakatakotia ana hei whakatokomaha ake Whaingoatanga. i nga tangata Maori mo roto i te Paremete.

Notemea e tika ana kia whakaturia he tikanga hei whakatomaha ake i nga tangata Maori mo roto i te Paremete.

Na tenei ka hanga e te Runanga Nui o Niu Tirenī kua huihui Matua korero. mai nei ki roto ki te Paremete i runga hoki i te mana o taua Runanga nga ritenga kua tuhia i raro nei:—

- Ko te ingoa poto mo tenei Ture ko "Te Ture Whakatikatika i Ingoa poto. nga Ture whakatu tangata Maori mo roto i te Paremete 1867, me te Ture Whakatu tangata Maori mo roto i te Paremete 1870, me Te Ture Whakatikatika 1873."
 - Kua oti te whakatu i nga Mema tokowha, i kowhiria i runga Me whakatu ano tetahi mema Maori. i te Pooti o te iwi kia tu hei tangata mo roto i te Runanga Nui, i runga i nga tikanga o aua Ture, me whakatu ano i tetahi atu Mema kia kotahi i runga i nga tikanga o tenei Ture, hei whakahaere i nga tikanga ki te taha Maori o te Koroni i roto i te Whare Runanga.
 - Ko to Takiwa Pooti o te Hauauru, me te Takiwa Pooti o te Rawhiti, ka wehewehea kia toru nga takiwa. Ma te Kawana i runga i tona Panui ka taia ki roto te *Kahiti o Niu Tirenī*, e wehewehe i taua wahi o te Koroni o Niu Tirenī kua oti te whakauru ki roto ki nga rohe o te Takiwa Pooti ki te Hauauru, me nga rohe o te Takiwa Pooti ki te Rawhiti, kua oti nei te tuhi ki te pukapuka apiti o taua Ture, me te Panuitanga o nga Takiwa Pooti i te toru o nga ra o Maehe kotahi mano e waru rau e ono te kau ma waru, i taia ki te *Kahiti o Niu Tirenī* i te ono o nga ra o Maehe kotahi mano e waru rau rau e ono te kau ma waru, kia toru aua Takiwa Pooti, ka tika hoki kia whakatakotia nga rohe o aua takiwa e toru ki roto ki taua Panui, ka hoatu ai hoki he ingoa ki ia Takiwa Pooti kua oti te Panui, a hei reira ka whakanoatia ka whakakorea rawatia te Takiwa Pooti o te Hauauru me te Takiwa Pooti o te Rawhiti i tuhia ra ki taua Ture, ki tenei Ture ranei.
 - Kia kotahi Mema mo ia Takiwa. Me whakatu tetahi Mema kia kotahi mo ia Takiwa o aua Takiwa Pooti e toru.
 - Ka tu tonu nga Mema o naianei. Ko te tangata, i te tuhinga o taua Panuitanga wehewehe i aua Takiwa Pooti e rua nei kia toru, e tu ana hei Mema mo tetahi o aua Takiwa e rua e whakanoatia ana nei (mehemea kua kitea tona pai hei Mema) ka tu tonu ia hei Mema mo tetahi o nga Takiwa Pooti e toru kua oti te whakatakoto e taua Panuitanga, ki ta te Kawana e pai ai i runga i taua Panuitanga, ano i ata whakaturia ia hei Mema mo taua Takiwa.
 - Ka whakaputaina he pukapuka whakatu i tetahi Mema mo te Takiwa hou. Kia oti aua Takiwa Pooti Maori e toru te hanga, hei reira ka whakaputaina he pukapuka whakatu i tetahi Mema mo te Takiwa kahore ano kia whai Mema, i runga i nga tikanga o te tekiana o tenei Ture kua korerotia i runga ake nei.
 - Ko etahi o nga tekiana o te Ture o 1867 ka whai mana ki nga Takiwa hou. Ko nga tekiana tuaono, tuawhitu, tuawaru, tuaiwa, kotahi te kau, me te te kau ma rua, o "Te Ture Whakatu tangata Maori mo roto i te Paremete 1867," i whakatikatikaia nei e "Te Ture Whakatikatika i te Ture Whakatu tangata Maori mo roto i te Paremete, me te Ture Whakahou, 1872:" Ka whai mana ki nga Takiwa Pooti kua hanga nei e taua Panuitanga, ki nga Mema ano hoki, ano i hanga aua Takiwa i raro i nga tikanga o aua Ture whakatikatika.
- By Authority: George Didsbury, Government Printer, Wellington.

